

أوجاع

أشعار بالعامية

للشاعر

كمال كريباش

الطبعة الأولى

الكتاب : أوجاع

المؤلف : كمال كرباش

تصنيف الكتاب : شعر

المقاس ٢٠ × ١٤

رقم الإيداع : ٩٧٧٧ / ٢٠١٧

الترقيم الدولي : 1 - 398 - 776 - 977 - 978

كلمة المؤلف

الحمد لله ها هو كتابى الثانى بعد أن من الله على بأصدار كتابى الأول (بارقة أمل) والتى تفضلت مؤسسة بنت الحجاز الثقافيه للشاعرة الأستاذة / دلال كمال راضى بالأشراف عليه وأصداره ضمن مجموعة إصداراتها وربما يلفت نظر القارئ عنوان هذا الكتاب الذى بين أيديكم أنى مثل غيرى مررت ببعض لحظات قبل أن أتعايش مع الحروف وأجعل الكلمات تخفف عنى وتكون مجرد متنفس أعبره من خلاله بعض مايكون مكبوت داخلنا فتلك السطور أستطاعت أن تكون مثل اليد الحانية التى قد يحتاجها البعض فى بعض من الأوقات . فإنه من الصعب أن تكون الحياة كلها على نهج واحد ولكنها صراعات يغلب بعضها على الآخر فتمضى بنا حيث يشاء الله ولكن من المؤكد أنها أوجاع للأختبار وأبتلاء لأثبات قوة الأيمان والتحمل ومدى الصبر عليها دون جزع وتذمر وضجر فلن يستطيع أحد من البشر أن يفعل لك شئ ولكنك باللجوء الى الله دون شكوى ستجد أنها ستمضى مهما طال وقتها وسوف تنسها وتحيا غيرها .

أحبتى سوف تشعرون داخل سطور كلماتى برساله
أحاول دائما أن أجعلها تصل للبعض فأن أتيح لكم قرائتها
وفهمها فلا تبخلوا بالدعاء لى وللجميع أن يفرج عنا الكرب
والأبتلاء . وأسألو لى أن أدعوكم بتصفحه وأبداء رأيكم فيه.
ودعونى أعتبره يتحدث عنا .

وشكرا لمن أتاح من وقته لحظات ليعيش مع تلك
السطور. وأنتهز تلك الفرصه لأعبر عن خالص تقديرى
وشكرى الى كل من ساهم بالنصيحه والتوجيه لى وأنصت
لى أو قرأ لى بعض الكتابات الى سبق لى نشرها عبرالصفحات
الأكترونيه وبعض المواقع التى سمحت لى بالنشر لديها .

و إليكم أنتم أحبائى وأصدقائى

أخوكم .. كمال كرباش

عشت حلم

دعيني
أتوقف معك
لحظات
استعيد فيها
ما مضى
من ذكريات
يوم ألتقينا .
من سنوات
لم انساها
والتقت عيننا
أحساس غريب أتملكني
يدي لم تقبض

على يدىكى
ما الذى جذبنى
لم تسألى وقتها
فزاد شوقى
تلك اللحظات
أسترجعتها
ظل طيفك
لا يفارقنى
حتى أصبحت
أدمن السهر
وكلما
داعبت جفونى
غفوة
صرت منها
منتبها
وكنت أراكى

في كل شيء
كنت أشم عطرك
وأهيم شاردة
ولم تقوى قدمي
أن تحملني
فاذا بي
أمام عيناكي
وبدأت افيق
وكان الامس
لم يأتني
لأنك مضيتني
ولم تعودني
عشت حلم
وتبقي ذكراه
طيلة العمر

يوم ما عيني رغرغت

حسيت بعجزى وضعفى
وأن الحياة بتختبرنى
دعيت ربي ينصفنى
الدمعه مش لازم تبان
ولا أنها تهرب من جفنى
حاولت أمنعها وأحوشها
الكلام وقف فى حلقي
حسيت أن حد بيخنقنى
صوتى مش طالع منى
كنت خايف أنى أبكى
يوم ما عيني رغرغت

وقتها ما كنتش شايف
حسيت مش قادر أسمع
خفت حتى أنى أغمض
أو أحس أنى بشكى
خفت أقرب من أى حد
لان هيبان فى ملاحى
الصورة قدامى زغللت
ورجلى مش قادرة تمشى
واللى يحاول حتى يقرب
كنت ببعد وأخفى وشى
كنت بعمل أنى بضحك
لكن ماقدرتش أبتسم
أو حتى ع الشفه أرسم
كنت خايف من كلامى
يחס حد أنه سم

ده طبعا كان
غصب عنى
لأن فى الوقت صعب
ومش حاقدرا أستحمله
المفروض أنى أضحك
أبقى بضحك على نفسى
ده لأنى عىنى رغرغت
الكلام لسه جوه منى
يخس بيه اللى يعرفنى
البعض عايزنى أنسى
ما حدش حاسس بجرحى
الكل عايز يشاركنى فرحى
ولما أكون وقتها وحدى
وقتها بدموعى أبكى
لكن مهيا قلت أو سكت

يكفينى أنى أراضى ربى
أما البشر كلهم ما لهم
أى حاجه بالطبع عندى
لأن وقت ما أحتاج لهم
بلاقى عندهم عذرهم
الى مره يدعى أو يختفى
كلنا بنحتاج لنفسنا نختلى
لما نكون حاسين عينا دمعت
وده مش احساسى وحدى
لأن فى كثير غيرى زى
وده الى بيصبرنى
وعلى كل حال بحمد ربى
ودى أهم حاجه عندى

سطور من الوجد

حانقدر نداری فی دموعنا
ومشاعرنا وأحاسيسنا
وأوجاعنا
ونتحمل ألم بيئلمنا
ويكينا
أظن كثير
كل ده بيجرآلنا
ونقول لازم
مفيش حاجه تلزمننا
وماعادتش لأى شى معنى

ولا عادتش
حد کمان بیسمعنا
ولا حتی بیوصلوا أصواتنا
ولا همسه
ولا کمان أنفاسنا
خلاص الكل نسينا
والعمر کمان فاتنا
ولسه فاكرنا حانستنی
خلاص كل شیء
اصبح مجرد ذکری
دی سطور من الوجد
بتتعلم أزاي نکتبها
عشان تكون درس لغيرنا

آياك تفقد الامل

يوم مأتفكر أنك تقف
لازم تقف على أرض صلبه
واللى شايغه فى الحياه
أن كل حاجه بتبقى صعبه
بس لازم نتحدى خوفنا
مهما كانت كل ظروفنا
مش عشان مرة أنكسرت
يبقى مش حا تقدر تقف
أوعى تقول أن أنهزمت
الحياه مش معرکه

الحياة رحلة كفاح
ويا ما ناس بتحقق نجاح
وتقدر تكون متفوقه
خلي دايمًا عندك أراده
ان يوم لازم حاتوصل
مهما اتخطت قدامك حواجز
انت تقدر أيوه تقدر
مفيش حاجه مستحيله
وكل حاجه بتبدء بخطوه
مرة تمشي ومرة تقف
بس آياك يوم تفقد الامل

سیره حلوه

ما بين كلمه وبين همسه
وأحاسيس تكون صادقه
بتطلع من جوه القلب
وبتوصل برضه القلب
بتكون فيها مؤده
وبتدئ صدق وحب
وبتلقى الروح بتتصافى
ولو كان فى جفأ
بمجرد بسمه بننسى
ما بنشيلش أى حقد
أو نحسد كمان حد

الكل بالنسبه لنا اخوه
والانسان بكره حا يفني
والسيره هي اللى حاتبقى
فياريت نسيب احلى ذكرى
وتقول ايه لما تكون عايش
وسط ناس ما بتصونش
حتى العيش والعشره
قدامك بتبان أنها بتضحك
لكن فى ضهرك بتطعن
حقيقى بتكون حاجه بتحزن
ولما بتعرف أن دى طباعهم
وأنك أنت اللى ماتعرف
بتصعب عليك نفسك
لكن لازم أكون صابر
ومؤمن وبلاش يوم أندم

على أن طبيعتي بتسامح
لاني حا أحتاج
للى عنى يصفح
والدنيا لما حانفوتها
مفيش حاجه منه حاتبقى
غير يدوب كلمه

رساله حا توصل

كنت لما أحب
أكتب أى حرف
كنت أفكر وأسأل
مين حيقراً
كنت بحتاج
أرتب حروفى وأحترمها
كل كلمه لما توصل للى يفهمها
لما يحس أن الكلام
انا قاصده بيه
أى واحد كان يقول
أنى فاهمه

أنى بأكتب قصيده عنه
كان بياخذ الكلام منى مرة تانيه
كان يخاف أنه يسأل
أو أنه يعرف
كان بيدور فى حروفى
عن أى غلطه
أنى أكون كتبت أسم
أو أى ملىح
كنت بلىح فى عينهم
نفس النظره
أنى حاسس بيهم وخايف عليهم
وأنى بأنصح
و بيعت رساله ليهم
و كنت بأضحك
وأقول كل البشر

عندهم نفس الوجع
بس شايلىن همومهم
وفى الوجوه بننخدع
أكمنها بتحاول تضحك
وأن أصحاب القلوب
بتدارى أنها تشكى
لما وقتها بتقرأ بتعرف
أنها مش وحدها
وأن فى كثير زيها
وساعتها بتقدر تصبر
وبتحمد ربها
وبكده بتكون حروفي
رساله ووصلت له

مش مسامح

هو أحنا لازم نضحى طول عمرنا
وهى دى الحياة اللى أتكتبت لنا
عشان ناس مش حاسه بجهودنا
أوتعبنا ده أحنا عمرنا
ماخطر بيالنا
نركب على أكتاف حد غيرنا

كل يوم الايام بتثبت لنا
أن فى ناس لا تستحق احترامنا
ولا حبنا
بيسقطوا من نظرنا

نفسى بصدق حد يچي يواجهننا

بلاش انه

من ورائنا يطعن ف ضهرنا

أحننا بشر

مش عيب نغلط و حد يقولنا

لما يواجهننا ويوجهه نصيحه لنا

حانقبلها

بس ما يستغلش ظروف ضدنا

انا مش مسامح

اللى بيستغل ضعفنا

و اللى بيساعد على كسرنا

بكره الايام حاتثبت لهم

مين هما ومين أحننا

و كل حاجه مش بعيدة على ربنا

واحد من البشر

هو انا لازم أكون علم
وتكون شهرتى سبقانى
والناس تشاور علىّ
وتكون الناس عرفانى
مين فى بدايته كان معروف
ده كل واحد شق طريق
وسط الصخر ووسط الوف
ده اللى بيخوض تجربه
بيحاول يكون له هدف
بيحاول انه يسعى له
الطريق عمره

ما بيكون سهل فى أوله
بس اللى بيدء بيحاول يكمله
يا ما بنواجهه ظروف
لكن لازم ما نشعرش
بيأس أو خوف
الدموع مش حاتخلينا نشوف
لازم نمسحها من جوانا
ونعرف ان الطريق طويل
بس بالتحدى مفيش مستحيل
انا مش عايز أقول نوبل
أو أشبهه نفسى باني زويل
اللى عايز أنه يوصل
لازم تكون عنده أراده
ولازم يكون عنده أمل
وان يحاول أنه يسعى

وانه يكد ويجهد ويتعب
لانه بكره لما يوصل
حاييسى ساعتها كل التعب
اللى بقوله مش مجرد كلام
فى شواهد على كل مسأله
أنت نفسك شاهد - والدليل
أنك هنا عرفتم مين أكون أنا
أنا اللى الناس بتقول علىّ
فى بعض الاوقات أنى شاعر
شاعر بظلم الناس ومحبتهم
عايش مع أوجاعهم ومحتهم
لأنى واحد من وسطهم زيهم
وعيشت عشتهم
أنا مش ملك نازل م السماء
أنا واحد من البشر

المفروض كلنا أو أى حد مننا
لما يشوف حد محتاجله يساعده
ويمد له أيده دى حسنه فى سيرته
لكن اللى بيحاول يهدم حد
ويقف فى طريق مسيرته
بكره حا يعرف
أن مفيش حاجه حا تدوم له
الا كلمه حلوه حا تتذكره عنه
لما حد يفتكره .

سواء موجود او فى غيبته
يا ابن آدم أعمل حساب بكره
مين يعرف أمتى حاتكون نهايته

الناس مالها

دموع لناس ظلمت روحها
سنين بتدواى فى جراحها
لحظه الوقت يمر عليها
تفرح والفرحه تبان فى عنيتها
م السعاده طايره ف السماء
وتبقى وقتها بتحاول تنسى
وتعيش لحظات البهجه والهنا

يا كل دمعته سالت يوم ع الخد
وكانت الأحران عليكى بتشتد
وأنت بتحاولى تتحملى وقتها

غصب عنك
الجفون يهرب منها
مين يقدر يحوشها
أو يمنعا
و الايام عمرها
ما بتكون زي بعضها
يوم بنشوف الدنيا مفيش أجمل منها
في كل حاجه بنقابله بنحبها
مش بنحاول نحزن وقتها
بنفرح وبنظهر الفرحة ونعبر عنها
صوت الضحكه
بيملاً الكون ويرجها
واللى يشوفنا بيسأل أيه جرآ
الناس ماها كده اصبحت متغيره

كلمة وفاء

مديت أيدي
عشان أسلم
وأبوس الأيد
اللى يوم
طبطبت على
لقيت أيد
مش قادره
تقوى على
رفعها او سحبها
اصبحت عضم
يدوب

مغطيا جلد
العروق باينه
كمان منها
ياہ على الزمن
انا فعلا
كنت صغير وقتها
كام سنه مرت
عمر تانى
بس عمرى
ما أنسى الوشوش
الى فى اول طريقى
قابلتها
واللى يوم
أتعلمت منها
كنت لسه يدوب
ببدء أخطى
مكتتش لسه حسنت

اسلوبی و خطی
الناس دی
أتعلمت منها
يعنى أیه احترام
ويعنى ایه التزام
الناس دی
من حقها
أن ليها بعد ربنا
أفضال على
أن أنحنى لها
وأوطى
مش بتكلم عن مدام
والا أقول
دى عادات
لكن بتكلم
ع الاحترام
ودى من أهم الحاجات

بس ياريت نعلمها
لكل جيل بعدنا
لان مصيرنا يوم
نكون محتاجين
كلمة وفاء
قبل الوفاء
الناس دى علمتنى
يعنى ايه
كلمة مبادئ
وأصول وقيم
واحترام
ناس مدت ايدها
وساعدت
عمرها ما أتكبرت
وأستحقوا عن جداره
يكونوا رواد وقمم
هما دول جيل العطاء

الى يستحقوا الوفاء
والاحترام والانحناء
بعد خالق السماء
والامهات والاباء
أقل تكريم لهم
في الحياة
لما يشعروا بقيمتهم
وتشوفوا فرحتهم
وأبتسامه طالعه
م الشفاه
يمكن تكون
حروف كلامي
فيها لو تعبير بسيط
يمكن تكون لها معان
من جيلنا للى علمنا
يعنى ايه لغة الكلام
علمونا

أزاي يكون عندنا ثقه
علمونا
أن الحياه مدرسه
اللى ما يتعلمش منها
ما يستحقش الحياه

وأن الأدب
مش محتاج علام
لان المفروض
موجوده فينا
صدقونى
مهما قلت
مش حاقدر أوفى
كل التحيه لهم
وأضرب لهم
تعظيم سلام

ألم وغضب

مسكت نفسي
من لحظة غضب
حسيت كأني
واخذ علي
وشي قلم
كان ليه ده يجزآ .
شعور تحس بآلم
بتتحمل
كل ده ليه .
ده أحنأ بشر
بتتألم

أنى ما أعرفك
ده أنا كنت
قريب منك
و كنت بخفف عنك
ولما كنت بتشكى
كنت بأقولك
أتحمل
عمرى ما أحب
أنى أخسرك
لانى عرفتك
وعرفت كثير
من طبعك
بتنسى
ويمكن يكون
ده عذرك
و كنت برضه
بستحملك

من حقك
بس لينا
حق عندك
لما آجى أفكرك
وتفتكر
ليه حا تنكر
هى الدنيا
حا تبقى دنيا
بيك لو حدك
تفتكر
كلنا بنكبر
ومش حانتكبر
انا عمرى ما أذيتك
ولا أذيت حد غيرك
انا بس حا سيبك
يمكن
تراجع ضميرك

ياريت تانى تفكر
يمكن انك تقدر
وأنا عارف
أنك تقدر
فى يوم وأنك تنسى
بس حا تنسى
وجودى
فى حياتك
لو تقدر
أنسى
يمكن أقدر كمان
أنسى
قد أيه
بيوجع الألم
أنا أتقابلت
فى الدنيا
بحاجات وناس

كثير
مش كلهم
صدقتهم
بس أتعلمت
منهم
ويا ما لسه
بتتعلم
عشان الوجد
لما يجي منهم
صحيح بيوجد
بس الواحد وقدرته
يعرف أزاى يتحمل
الحكاية
مش مجرد ألم
مش الألم
اللى بيوجد
اللى يوجعك

يجى أزاى
ومن مين
مش وقت المعاتبه
لاننا حانعاتب مين
الموضوع
بكل بساطه
أنا كبار
مش صغيرين
ياترى رسالتى
وصلت
والناس عرفت
أنا بأقصد مين

فین سکتی؟

حسیت فعلا أنى تايهه
مش عارف فین سکتی
کان لازم أنى أمشى
و کنت بسأل کمان نفسى
هى دى فعلا السکه
طب العلامات
ليه أتغيرت
أنا مشيت
بعد ما أتوصفت لى
ليه کل حاجه أتغيرت
البشر معادتش هى

قلوبها قسيت وأتجرت
لما تشوف شكل عينها
تحس بالرهبة والخوف
هي دى الناس
الى كنت تعرفها
أكيد فى حاجه حصلت لها
غيرت من طبعها وشكلها
زمن أتغير فيه حاجات كثير
مكانتش فى طبع البشر
معادش فيها نخوة
ولا ضمير
حاجات تكسر نفسيتك
لما نرجع كام سنه لوراء
كان فى أحساس بالناس
ومشاكلها

وكانت الناس بتسمع
للى بیشكى لها
وماكانش فى حاجه وحشه
بتجيلها
الناس مع بعضها
اللى يقرأ قرآنه
واللى بيقراً فى أنجيلها
مفیش حاجه تفرق بينهم
ولا حاجه فى ضمائرهم
حاجات معادتش موجوده
وصعب لما تلاقيها
عشان تتطلبها دلوقتى
تقعد سنين تدور عليها
بنسميها أخلاق
أنعدمت

ولا مفيش حاجه منها
حتى اللى كانت
بتميز الناس وبعضها
أصبحت مش بص لها
متعرفش للدرجة دى
معادتش مهتمه
الصفات دى تكون فيها
يا خسارة على التريه
الى يوم أترينا عليها
أصبحنا بالساهل .
نستغنى عنها

مهما كنا بنختلف

تلك الكلمات حين كتبتها كان الطابع الخليجي يسيطر على

مهما كنا بنختلف

ماهى كلها وجهات نظر

كل مره بتعترف

بغلطتك

وتيجى تعتذر

مهما كان كل اللى بينا

فى حاجات عليها ما أقدر

أنك تغيب عن عيني

أو ينكتب شىء مقدر

بتصير أمور ما أدري بيها
قولولى كيف عنك اشكيها
ومها كنت أنت السبب فيها
أنا لجل خاطرک بأداريها
لأن وداك صار بقلبي
يحتوينى وأثر فيها
الاشواق
بتصير بقلبي لهيب
كما النار بتحرقنى لما تغيب
بتصير الحياه فى غيابك كأنها
مرار وما فى اصعب منها
وأى شئ بيمر ولو مر
بعتبرها مر حلة بتعدى
وبأخذ درس منها
وعشان أنت كيف ما حا تكون
يكفينى منك نظره م العيون
أتوه فيها

فلا تخبيها ولا تبعديها
لأن بأحس فيها بالراحه والسكون
لكن عيون الحاسدين ما بيرحموا
صار بيهم حقد دفين فيبتغمزوا
أنا ما شايف غيرك في الحياه
فبيحسدوا حتى صار بينا خلاف
فمهما كنا بنختلف
ما هي كلها وجهات نظر
وأنا ما حا أعتبره أختلاف
ولا حسد
لكن حا أعتبره أنه قدر
وبتتحدى بتتحدى
كل الظروف عشان خاطري
وبتجولى (بتقولى)
كلام معسول
لجل (لأجل) ما تكسبي ودي
نسيتى اللى جراً

أم صار بيكي حال
صرتي متوهمه
أنى أعشق محال
بتجولى (بتقولى) الجدر (القدر) °°
باعتنى ليك
لكن الجدر .
منك برئ
فلا تصيرى متخيله
شىء ما أظنه حصل
فلا تحاولى تظهري
وتتدلى فى الطريق
أنا لست بالذى تتخيله
فربما كنت يوما متبسما
فذاك لا يدل على أنى متدللا
ولا أريد أن أجعلك تتحسرى
يوما تشاهدى معى الرفاق
وبينهم قد تكون حبيبتي

ولا تدرى
بدى أنك تعرفى
أنى ليكى أنا بأدعى
وقادر ربك
أنه يرشدنى
ويهدى
الحال صار كما الصبا
فما أنت ترينى
فتى متوسما
ولكن
هذا لم يعد منه رجا

حاسس نفسك

حاسس نفسك

انك انسان

طب ايه يثبت

اديني حتى

ولو حتى أماره

اعرف بيها

انك انسان

حتى ضميرك

مات جواك

من قبل ما اعرف

وما تسألش

وتقولى أزاى

فاكر نفسك
انت ماتعرفش
بقى معقوله
ما مرش ف خيالك
ولا جه على بالك
طب شوف ازای
انسان عایش
ویارسته ما کان
لما تموت الاحاسیس جواه
وما یبقاش حاسس بمشاعره
ولسه بیسأل
ویقول ازای
انا با أستغرب
کده علی حالته
حد یقولی
مین غلطان
أنی صارحته

وَأنى واجهته
كنت اسببه
كده على حالته
عاش ميت
بدون احساس
مش قادر يصدق نفسه
أنا عارف
ان انا حذرته
بس ياربته
يقدر يعمل
باللى انا قلته
و يعاتب نفسه
يسأل روجه
عن بقية عمره
هيعيشه ازاي

وتفتكر

وتفتكر
والا بلاش نفتكر
لو أفتكرنا
راح نفتكر
حاجات كتير
ممكن تكون ذكرى
ذكرى حلوه
وممكن تكون
كلمه جميله
وممكن يكون
أمر حزين

مش كلها
الدنيا فيها
ذكريات بنحبها
وذكريات
ما نتمنى
نرجع تانى لها
ولا نشوف زيها
وتفتكر
لما مرت علينا
لحظه
والناس ساعتها
كانت ملاحظه
الود اللى كان بينا
وشافونا مع بعضنا
والنهارده يبسألوا

لما يشوفونا لوحدنا
في حاجات صعب
اللى بيدور بفكرهم
بيحيرهم وبيسيئوا
بظنهم وعشان كده
مش عايزين
نفتكر أى حاجه
تزعلنا منهم
او يزعلوا مننا
دى الحياة
بتمر علينا كلنا
بحلوها بمرها
بس ياريت نفتكر

أبنك مات بطل

دمك بينزف / يا بلد
وفي قلوب / أتجرت
ماتعرفش ليه /
وكأنها / مش م البلد
الأمهات تعمل أيه /
على أولادها / بتنفطر
لما تسمع / عن خبر
أن أبنها / أصبح شهيد
مهما كانت / بتؤمن بالقدر
وأن مفيش حيله / بالايدي
مش بالدموع / حا ترجعه
أبنها لبس الكفن /

علم وطن /
خرج يادى مهمته /
كان قلبه حاسس /
وكانت / هي حاسه بيه
قبل ما يمشى / حضنته
ما كانتش تقدر تمنعه /
حاشت دموعها / غصب عنها
كانت بتملا عينها / برويته
خلاص غاب عن عينيها / للأبد
كل الجيران حوالين منها /
لكن هي / مش شايفه أى حد /
هي حاسه بأن أبنها /
لسه حى / وأنه حايرجع لها
مش قادره تصدق / نفسها
عينها على آخر الطريق /
بتنادى عليه / وبتحضن أخوه
وبتضمه فى حضنها /

وتشوف صحابه / وأى صديق

جای یقف جنبها /

وتسئله / وعنيهم مرغره

هو خلاص /

ماعدش حد / حاجی ینادی عليه

أى عين ممكن تتحمل /

تشوف أى أم /

بالشكل ده /

شايفه في أيديهم /

كل حاجه / كانت معاه /

أيوه ده لبسه /

اللى كان لابسه /

كانت عايزه تصرخ /

شافت مصحفه /

كتاب الله / اللى كان بيقرأه /

مسكته فتحتة /

قرت الفاتحه / وآمنت

وقالت صدق الله /
ولانها مؤمنه /
حتسبت أبنها /
شهيده عند الله /
وأشهدت ورددت / وكبرت
وقالت / فوضت أمرى لله /
وتخلينى أشوف / عدل السماء
فى اللى قلوبهم / أتجبرت
واللى المشاعر / عندهم أتجرت
ماهو مش أم زيها /
دول مش بشر /
بس يا أى أم أعرفى /
ان أبنك شهيد /
مات بطل /
ما عرفش يعنى أيه /
أنه يخاف /
او كان جبان /
أبنك اللى مات /
كان بطل .

بنت وولد وشايب

انا مش قصدى كوتشينه
و لا أقصد لعب الورق
دى بداية حروفى لقصيده
حاحاول أنى أكتبها
تأخذ يوم والا أتنين
تأخذ قد ماتاخذ
بداية الفكره
حروف من وحى الخيال
بنت زي أى بنت
كان نفسها
تحكى حكايتها بنفسها

كان حظها

يوم ما شافت الحياه أنها

تكون يتيمه

فقدت حنان الأبوه من صغرها

فتحت عينيها لقيت أم صابره

ومتحملة

شافت علامات الشقاء متشققه

أخوها أكبر منها يمكن سنه

الأم بتكافح عشان نفسها

تعلمه

.. وجنب سور باب مدرسه

كانت بتحط فرشها

وتللم كمان في قرشها

وأبنها يقعد يذاكر جنبها

وقت الفضأ العين تشوفها

بتقرأ في كتاب ربه

البت مش لازم اقول أسمها.
لما جه سنه لوقت المدرسه
حست كأن الناس كلها بتحبها
وبتعطف كمان على أمها.
.. كل الجيران لموا من بعضهم
والفرشه بقيت كشك بسيط
من الخشب
مليان من خيرات ربنا
وقمر السنين سنه ورأ سنه
وتيجي السنه اللي بيوت
بتخاف منها
لكنها عندها
كان شكلها مختلف
كان عمرها ١٨ سنة
الأم ظهرها أتحنى
بتدعى كمان لأبنها

لكن نداء السماء
كان أقرب منها
ونقول كما أن الأيمان
بيثبت قلوب مؤمنه
وأثقة في عطاء ربها
الأم يوم جاهها خبر
أن القدر خلى أبنها
فقد البصر
لكن إيمانه كان قوى
حقيقى كان بيتمنى
يكون سند
سند لها
ماتقولش القصه طولت
لانا يدوب أبتدت
قصة بنت وولد وشايب
حكاية أغرب م العجايب

البت بأن شكلها
وبدأت مسيرة كفاحها
زيها زى أمها
اتعلمت من صبرها
ثانوية عامة
وعلمى كمان
راعت اخوها وامها
والدراسه جنبها
وتقف كمان فى كشكها
من الحياة أتعلمت
أكثر من اللى فى الكتب
وربها اكيد كان واقف جنبها
ماضيعش صبرها
يوم ما النتيجة أعلنت
كانت الزغاريد من الجيران
كانوا بيفرحوا أمها

والأم من فرحتها بكت
سجدت وشكرت ربها
بتتها ظهر أسمها
من الأوائل كمان
الوزير كمان دعاها
قصة البنت ما أنتهت
لكن حايطهر في حياتها ولد
حاينجلي القصة تستمر
وده اللي حانعرفه
ونكمل فيما بعد الحكا
.....
للحكاية بقيه

حابدء كلامى تانى
من غير ما أعيد فيه
حياة البنت أتغيرت
من بعد لبس المدرسه
اختارت بدل الطب
انها تروح الهندسه
الامر ماكنش صعب
بدأت حياة جديده
عليها ما أتعودت
الكل رحب بيها
وهناك أتعرفت
على زملاء جداد عليها
كانت بتحاول تختار اصحابها
من بين اللى اختارتم
واحد من حيها
ما كانتش ساكنه جنبها
لكن صادفتها فى سكتها

وبدأت معها صداقتها
سرد القصص محتاج خيال
وبال طويل وانا قصتى
فيها تحدى للظروف والمستحيل
صحبتها ليها ابن خال
بيكبر سنين عنها
وفي نفس المجال
وفي يوم لمح وقرب منهم
سلم سلام وعرف منها أسمها
نحن هنا الكلمة دى أترددت
لكن ثوانى بعدها
وكل واحد خد سكته
رجعت البنت لامها
تحكى زى ما أتعودت
امها معاها أتكلمت
نبهت وحذرت وكيان دعيت
الاخ اللى أصبح كفيف

بصوته المعتاد ناده سمعته
وبسرعه جرئت عليه
وقال لها انا سمعى مش ضعيف
حسيت فى كلامه ومن لهجته
كأنه بياكد لكلام امه لها
أن تخلى بالها وتنتبه
بكلمه واحده منها
عيونه دمعت
مسحت دموعه بايديها
وقبلت جبينه وطبقت
والأم جت وضمته
وردت عليه يا بنى
سلم امورك لله
وكأنه عايز يوطى
يبوس ايدها فمنعته
والبنت عهدت نفسها
ان الدراسه هى اللى تشغلها وتممها

في الوقت ده كان الكلام بيدور هناك
الشاب بيكلم أبوه كان بيعتبره أخوه
حكى له عما دار مع بنت عمته
وزميلة كانت معاها حقيقه شدته
الاب بص له وبانت ضحكته
قاله يا ابني شوف دراستك
وما تستعجلش لاختيار عروستك
لو كانت امك عايشه كانت كلمته
الاب دار بفكره كثير من الاسئله
لما يروح لاخته يعرف الأجوبه
المهم يهتم هو بمشروع تخرجه
ويسيب كل حاجه لانها متقدره
لو له نصيب في حاجه حاتكون متيسره
وانتهى ما بينهم الكلام اللي كان دار
ومرت ليالى ويمكن شهور
وكتير بتعدى مسائل وأمور
والحاله ماشيه عادى بدون تغير .. وفجأه

العين الثالثة

يارب
أنا عارف
أن النعم اللى منيت بيها علي
مهما حمدتك عليها
مش حاقدر أوفيتها حقها
كل لحظة فى نفس طالع
ونفس بيدخل جوه منى
روح ممكن تنسحب فى لحظة
كلنا بنشوف الحياه بنظرة عين
وناس بتشوفها بنظرة تانيه
اما أنا وبعد سنين

من العمر اللي أنا عايشه
مابقيتش بشوف
مش انى عاجز البصر
لا أنا محتاج عين تالته
عين فى القلب
بتشوف حب الناس لبعضيها
عين متعرفش
يعنى ايه غشاوة
عين تشوف
الحقيقه بقلبها وتحسها
عين مش بترمش
كل نبضه مع كل دقة قلب
حايكون ليها معنى
أن الحياه
مش مجرد لحظة بتنتهى

كلنا كبشر عندنا عيون
لكن مع الأسف
في أوقات الحقيقه
اللى بتكون واضحه
بنعمل نفسنا مش شايفنها
عارفين ليه
لاننا بنعتبر
ان لازم يكون عندنا عين تالته
نشوف بيها حقيقه نفسنا
ياريت نصدق أن النعمه
محتاجه حمد
وأننا مهما عملنا
مقصرين في حق نفسنا
عرفتم ليه كلنا محتاجين
عين تالته

عاشق القلم والكلمات

لم أدرس شعر
ولكني قديما أحبته
فكتبت بعض الابيات
ولم تعجبني فمزقته
وكنت بين الحين والحين
الى الشعراء أهفو وأدنو
مصغيا لهم ولكلماتهم
فتزيدني شوقا وعشق
فتناثرت منى عبارات
فألتقطها صديق فبدء يشجعني
ودار بيننا همسا طويلا
بين ترددا وخوف

يطالبني أكتب والا اتواري
قد حاول ان يدخلني ذاك العالم
الذي لم تكن أقدامى اليه تخطو
لا انكر

قد كنت ذى بدىء وأرتجف
فكيف لى بين القامات أن أقف
سابدوا متلعثما فى كلماتى
وستقف فى حنجرتى
و لحظات أنسابت

فلاقت ترحيبا واحسانا
حفزنى فهرب الخوف منى
أيدى المرتعشه شعرت بالثقه
فتلك الورقه المهتره

كلمات عن حبا صادره
لا يزال صداها يرن بأذنى
كم من سنوات قد مرت
ولا زلت أذكر تلك اللحظه

فبعدها خضت وخطوت
نحو مصير أجهله
ويوما يسابقه يوما
صرت أعشق القلم
كى أكتب ولكنى توقفت
أتسائل الى متى هذا الجهد
فأن كنت حق احب
فيجب أن اشعر بعناء التعب
فعلى أن السير وان امضى
وأبحر فى عالم من الكتب
و احاول أدرس بمدارس
تعلمنى بعض الشعر
وحتى ذلك سأكتب
كلمات تصدر على مهل
فلا تعاتبوا هجائى يوما
فانى فى مسيرتى أحبو
فهذا عالم متسع

والكل فيه يخطو
نمتلك مشاعر
وليس من احس يكتب
فمن استطاع ونجح
عليه ان يسعى ويمضى
والا يتوارى نحو الظل والخلف
فتلك نصيحه أنصحها
الى كل من كان مثلى
فمشوره كما كانت لى يوما
حان دورى ان انقلها
انا لست بشاعر
ولا يمكن ان انطقها
فالكلمه لها هيبتها
ولا اقول ذاك عن نفسى
فأن قلتها فذاك تباهى وتفاجر
والكل أدرى بنفسه

ليه يا دنيا ؟

ايها عشان م الخوف ما يسكنى
ولا حتى يسكتنى
تلقى حروفي بتصرخ
بكام آهه مدويه
وتنهيده ونفس طالع
ولحظة شوق للضحكه
اللى تحس أنها غابت
عايز أكسر كمان قلمى
عشان ما أكتب عن الضيقه
ولا الخنقه ولا الحرقه
نفسى أشوف الفرحة

في عين راجل كده شيقان
لما يدخل لا ولاده
ينسى تعبته وهمومه
والشقاء اللى شافه بيومه
نفسى أحس أننا فى دنيا
مش غابه ولا تعالب ولا ديا به
تكون الناس فيها ملايكة
مش كأن ركبها شيطانها
كلنا ولاد تسعه
مش عارف ليه بننغر
فاكرين الدنيا دى دايمه
ده كله حايزول لترات
اعمل فى الدنيا وأسعى
مصيرك يوم حا تفوتها
وأيامك مهما تعيشها

أكيد لحظه حا تتمنى
لو كنت سبيت فيها حسنه
أو عملت عمل صالح
او كلمة حق بتقوها
ولا بتخاف ولا بتظلم
ساعتها الناس حاتدعيلك
وهو ده اللى حايقالك
فأياك تسكت عن الحق
وقول لو السيف على رقبتك
وما حاياخد الروح الا اللى خلقها
فبلاش يوم تكون خايف
ولا تخشى الا الله

أبتسامه

لما بشوفك بتبتسم
والسعادة باينه فى عينيك
والفرحه والضحكه خارجه من جواك
وقتها بحس أن الدنيا كلها بخير

فمهما غلبتنا الظروف
والا مرت علينا محن
الحياة بالفعل صعبه
وبتكون عباره عن تجربه
أكيد كلنا بنعيشها
بحلوها ومرها

المشكله لما نقابل
وجوه البشر ونشكى
فاكرين أنهم فى أيدهم حلها
ما تنقلش للناس الكآبه
وهى ماعادتش ناقصه
شوف لما تقابلها بأبتسامه
وت لاقىها بتفتح لك دراعتها
نفسها تحضنك
مين بينكر
الا أن كان ناكر للجميل
وصدقنى
اللى زيه فى حياتك
قليل مش كثير

أختياراتك وصحبتك
هما اللي بيزودا محبتك
وبيكونوا سبب ضحكك
أنت فاكر
لما تملأ حياتك دموع
الناس حاتعطف عليك
والا حاتمسح دمعك
الناس فيها اللي فيها يكفيها
أنت بس حاول بجد
تخلي وشك يبتسم

قدام العالم

كان فاضل أنى أصرخ
قدام العالم وأعلن
أن قلبى لىك عاشق
والعقل هام وجن
وأن من يوم ما شوفتك
صورتك ما فراقك خيالى

الكلام ده لىكى أنت
الكلام ده أيوه عنك
أنت ليه بتدارى وشك
خايفه من أحمراره وكسوفك

أنت ناسيه
أنت بقيت أيه عندي
أنت أصبحتي روجي
أنت بسمة
نورت كل حياتي

ايوه عارف
خايفه نظرات حسادك
مش عايزه اللي يتكلم عليك
بس لحظه
هي مال الناس دي بيكي
هو ده الطبع اللي فيهم
مهما كان حايتكلموا عنك
حتى لو كنت في حالك
ولا صورته في خيالك

المهم هو حاجه واحده
أبقى أیه بالنسبه لك
اوعى تقوللى أنى حبيبك
أختارى أى كلمه
وقتها اوصفينى بيها
قولى أنى بأخذ بأيدك
أنى عرفتك طريقك
وأنى سييتك
تكملى وحدك مشوارك
أن كنت أخ ليكى
أن كنت أب ليكى
ان كنت اكثر من صديقك
أو أنى كنت جارك

عرفيهم أن ما حدث
يقدر يحوشك
لو قدرتي تصرحي
او تصرخي أو تعلني
أن أنت صاحبة قرارك
أن قلبك هو ملكك
هو احساس بمشاعرك
وكل حاجه أختيارك

تؤام روح

يمكن أتوه
مع نفسى
وتاخذنى الأشواق
لبعيد
وأصحى من حلم
زمان عشته
ومنه أفوق
كان قلم بكتب بيه
لكن السن أتقصف منه
لا عاد قادر يخط حروف
قلم مكسور

أصبح مهزوز
وبرغم حالته
ما رضيتش أرميه
لأنه عاش معايا
أحلى سنين عمرى
وكان بنا غرام دايم
كان بيسبق تفكيرى
وع الأوراق
ياما كان بيعبر
مفيش كلمه
الا وكان بيحسها معايا
وياما شطب
على كلام ومعانى
خلانى أكتبها من تانى
بينه وبين الورق حنين

حتى في لحظات الصمت

وانا ساكت

كنت بحس أنه عايزني ابوح

كان في مشواري

رفيق العمر

خايف لما أسيبه

أكون بأعلن


عن موتى أنا

ما هي مش قصة قلم

مع شاعر

لا دى كانت العلاقه بينا

تؤام روح



وكما تعودنا أن أقول لكم قبل أن أنهىء كلامى مع أحبائى
هنا يتوقف القلم حتى أتمكن من لقاءى بكم فى ديوان آخر
قريبا بمشيئة الله

نبذه تعريفيه

(كمال محمد كمال محمد نور كرباش)

البلد : مصر

من مواليد القاهرة عام ١٩٦٣

حظيت بعضويتي فى العديد من الكيانات الأدييه

— رابطة الزجاجالين وكتاب الاغانى

— مجلس إدارة رابطة شعراء العاميه

— مجلس إدارة ومؤسس لنقابة الشعراء بمصر (أمين صندوق
النقابه)

— الاتحاد الدولى للأدباء و الشعراء العرب

(مستشارا للشئون الأداريه وعضويه الأتحاد ولجنة العاميه)

— مؤسسة بنت الحجاز الثقافيه

(مسئول الانشطة الدينيه والطباعه)

- مستشار رئيس مجلس ادارة المؤسسة العربية الدولية
للأدب والثقافه والفنون
- اللجنة العليا للثقافة والفنون النوبيه
- المكتب التنفيذى ومجلس ادارة الأتحاد العالمى الشعراء
والمبدعين العرب- عبر الفيس
- جمعية مبدعى الغد الادبيه
- الاتحاد العالمى للثقافه والادب
- جمعية صوت الشارع الادبيه
- مدير عام صالون حلم الابداع الادبى والفنى (سابقا)
- مؤسس لصفحة شعراء ابناء النوبه المصريه
- حاصل على شهادات تقدير وجوائز من مشاركات بالصالونات
الادبيه والندوات الشهرية والمشاركه بالمننديات عبارة عن
- المركز الثانى للقلم الذهبى
- من مجلة نجوم الادب والشعر فى مسابقتها الاولى سبتمبر ٢٠١٥
- شرفت بالتقييم والتحكيم فى بعض المسابقات عن شعر
العاميه المصريه شهادة المركز الثانى من منتدى نصوص
الادب من كلام العرب

قد صدر لي

ديوان بارقة أمل يناير ٢٠١٧

٣ دواوين مجمهه خلال عام ٢٠١٦

الاول باسم مبدعون في حضرة بنت الحجاز

وأخر بأسم نبضات أنامل حانيه

واخر بأسم قطوف من روائع الشعر

تحت الطبع

أعمالى القديمه

للتواصل :

karbash2km@gmail.com

تم بحمد الله فى ١٢ / ٤ / ٢٠١٧

رجاءا حال وجود ملاحظات لا تبخلوا علينا بالنقد البناء

الفهرس

٣	كلمة المؤلف.....
٥	عشت حلم.....
٨	يوم ما عيني رغرغت.....
١٢	سطور من الوجد.....
١٤	آياك تفقد الامل.....
١٦	سيره حلوه.....
١٩	رساله حا توصل.....
٢٢	مش مسامح.....
٢٤	واحد من البشر.....
٢٨	الناس مالها.....
٣٠	كلمة وفاء.....
٣٦	ألم وغضب.....
٤٣	فين سكتي؟.....
٤٧	مهها كنا بنختلف.....
٥٢	حاسس نفسك.....
٥٥	وتفتكر.....
٥٨	أبنك مات بطل.....

٦٢	بنت وولد وشايب
٧٢	العين الثالثه
٧٥	عاشق القلم والكلمات
٧٩	ليه يا دنيا؟
٨٢	أبتسامه
٨٥	قدام العالم
٨٩	تؤام روح
٩٣	نبذه تعريفيه